

說部叢書第三集第六十八編

雙雀男淚



上海商務印書館行

中華民國八年六月初版

(然) (脂) ()

三册 完

雙 雜 淚 一 冊

(每册定價大洋貳角)
(外埠酌加運費匯費)

編纂者 吳縣包天笑
發行者 商務印書館
印刷所 上海模盤街中市
總發行所 天津保寧
廣州長沙濟南
杭州太原開封
蘭谿安慶蕪湖
潮州香港成都
張家口桂林重慶
新嘉坡雲南
梧州福州
瀘州南平
南昌漢口
南京江漢

分售處 商務印書分館

◎商務印

(60)

未、猶。頃可。斷。曲。清
擗凡

閨秀詩話。向鮮善士
二百數十年中閨秀
歌賦銘誄。無所不
兼詳作者之遺聞
作文藝參考書讀
婦人集。隨園女弟
芳集等。不必再讀

貴陽廣州長沙
潮州常德成都
張家口桂林重慶
新嘉坡雲南
梧州福州
瀘州南平
南昌漢口
南京江漢

此書有著作權翻印必究

雙雛淚

第一章

世界名都英國倫敦之東隅沙來狄區之鄰近多爲貧民窟聚之區其地居民多無恒產僅以力耕口窮簷陋屋彌望皆是偶或身臨其處便令人鬱鬱不怡故西部豪富上等之人鮮有涉足其間者若干年之前嘗有一父一母及二子居於其地焉其父之業爲傀儡戲一家四人卽依此以爲溫飽四人中除幼兒蓓奈外皆能營業方其父隱於綠幕中演劇時作怪異之音調詼諧之言語滑稽之動作此爲倫敦小兒所習見熟聞者斯時母氏則抱蓓奈於臂蓓奈熟睡母懷中其母則監守於幕外禁止一般頑黠之小兒竊窺幕中祕密長兒芙洛琪立於後側察視街上之樓窗默計何處可以見幕中演劇至劇畢時則告其母他處可以集錢芙洛琪者僅較嬰兒略長然聰明異人其真名爲湯美第其

父。因。湯。美。恆。有。冷。漠。之。容。咳。時。聲。若。蝦。蟆。目。圓。而。吻。巨。故。呼。之。曰。芙。洛。琪。FIG
FIG。Troglodytes。譯音。爲。彼。一。家。之。生。涯。良。非。安。樂。清。晨。卽。挾。其。傀。儡。自。家。中。出。發。至。
居。民。較。繁。富。之。地。蓋。彼。輩。所。居。之。沙。來。狄。區。之。人。日。食。且。不。暇。顧。何。來。餘。錢。以。
予。傀。儡。戲。者。故。彼。輩。之。出。也。微。論。風。雨。寒。暑。冬。夏。晴。晦。日。日。如。一。例。未。嘗。或。間。
天。氣。愈。惡。之。日。則。夜。間。歸。來。所。得。者。較。平。日。爲。多。蓋。天。氣。陰。沉。居。於。倫。敦。西。隅。
之。富。家。小。兒。不。能。外。出。嬉。戲。聞。此。傀。儡。戲。之。鼓。聲。及。咿。喔。之。音。調。則。必。向。其。父。
母。索。錢。呼。傀。儡。戲。至。窗。前。演。唱。父。母。雖。禁。之。勿。許。小。兒。言。僅。此。一。次。爲。其。父。母。
者。姑。息。其。兒。女。念。今。日。天。陰。無。以。娛。兒。亦。遂。允。之。而。傀。儡。劇。場。之。營。業。遂。因。此。
而。發。達。有。時。芙。洛。琪。之。演。劇。團。行。經。人。家。屋。外。力。搊。其。鼓。聲。嘶。而。呼。渴。望。久。之。
窗。中。漸。露。三。數。笑。面。領。首。曰。可。於。是。演。劇。團。立。張。布。幕。啓。祕。密。之。箱。幕。啓。先。登。
場。者。爲。噴。其。鼻。聳。而。頰。赤。其。次。爲。吉。地。餘。如。醫。生。看。護。婦。官。吏。警。役。魔。鬼。等。亦。

相繼而出觀者大樂演者亦興發顧有時此演劇團之家庭盡力一日而歸厥
狀良令人見之悽然父挾傀儡之箱顛頓行於前體搖搖欲仆蓋適自酒家出
而兩足如履雲霧中也隨其後者爲其妻則尤爲諸人中至可憫至悲慘之人
面瘦露骨患肺癆而嗽不止手抱嬰兒一手牽其長子芙洛琪芙洛琪或仰首
視其母之目光曰阿母我疲甚我甚願縮我體爲嬰兒如小蓓奈有人抱我於
懷也母慰之曰芙洛琪爾當爲佳兒鼓而勇氣向前行歸食當有美膳爾若能
常作佳兒則歸家亦儘有美食母言此時溫婉和藹芙洛琪聞之果覺勇氣百
倍新力驟生直至家亦不復出一不快之言吁此亦名之爲家乎彼等乃自呼
所居之地爲家雖然凡家人聚處之地微論其爲何如必稱之曰家第渠輩之
家則大異於恒人乃一小而無光之屋頂下之一樓室耳上部爲烟火所熏而
黑蓋數年前對宇曾有火事窗格上之玻片亦因火灼而碎窗無玻璃嚴冬奇

寒屋主婦嗜杯中物更不欲耗其財而修繕此不急之務人遂無有願居此者主婦乃取賤值貨之於此傀儡戲之家庭芙洛琪之賢母以久經風日至於黃色之紙補玻璃之闕小穴則不惜耗去其布屑以塞之嗟夫讀吾此書之小友乎古云竹頭木屑皆有所用而破布之屑貧家視之乃等拱璧也星期六渠家母氏常欲歸稍早藉此餘閒掃除其室以備度星期日渠家固深信宗教者一夕爲隆冬十二月是夜渠輩歸家尤爲悽絕乃前此所未經有者故芙洛琪雖長至成人猶不能忘懷此一夕也是日雪花大如手道路泥濘寒風刺骨彼演劇團之家庭游行街市中一如向狀顧是日所得至微囊中幾未增至二分之重量其父咆哮如狂蓋每出而不得佳果者彼恆爲是狀挾傀儡箱直前慄行人不讓行人之道人見其兇氣逼人則皆避之隨其後者則其妻若子雨雪無情遂溼透此蹇人之衣履此父母及芙洛琪均有憂色獨懷中熟睡之小蓓奈

則無知無覺。酣然安眠於大風雨雪之中。猶微露笑貌而芙洛琪固非無知無覺。如其弱弟張兩目至極巨。凡環其身外之事物皆能一一辨識。覺今夕阿母狀乃大異然。又不能言其爲何故。雖自覺飢寒困乏。未嘗思一仰其首而告阿母。竊自疑曰。今夜阿母行經煤氣燈下時。面色何慘白。行步何蹣跚。背何曲抱。啻奈何不力。何以不若向日之途中與啻奈笑語。何其行之遲蹇。而落於後。芙洛琪默然依傍其母而行。顧心中續續。作此自問之語。時其母步武不整。芙洛琪亦隨之。以小手微牽其母之裙幅。已忽有一至可怖之念。潮湧胸中。使其童稚之心。忽生無窮悲苦憶歸途中。阿母嘗偕阿父入一酒家。芙洛琪則留守傀儡之箱於門內。得毋阿母亦飲杯中物。故行步搖搖不定。如阿父醉時耶。芙洛琪心中既生是想。不能忍。諸懷中仰首視母面。作懇懃之狀。呼曰娘乎。詎娘亦曾飲強烈之物。如阿父耶。婦人聞其兒言。至爲駭然。精神乃藉。此稍振。作答曰。

噫。芙。洛。琪。吾。兒。否。也。吾。但。覺。病。甚。吾。不。自。知。將。何。以。歸。家。也。言。時。聲。至。悲。切。美。洛。琪。自。知。以。不。善。之。言。加。諸。母。則。大。悔。欲。哭。請。於。母。曰。請。母。以。蓓。奈。授。我。素。日。我。常。抱。之。言。已。佇。立。於。母。前。伸。其。兩。臂。母。欲。言。顧。其。慘。白。之。唇。顫。不。成。聲。乃。釋。蓓。奈。授。之。芙。洛。琪。若。在。平。日。則。無。論。有。何。事。變。亦。不。以。蓓。奈。授。芙。洛。琪。恐。芙。洛。琪。或。以。蓓。奈。之。顱。觸。行。人。或。以。力。弱。不。勝。而。墜。之。於。地。今。日。竟。授。芙。洛。琪。蓋。亦。有。不。得。已。之。苦。衷。其。病。實。甚。矣。既。釋。蓓。奈。似。覺。稍。安。惟。行。行。輒。倚。於。人。家。之。門。或。路。燈。之。桿。而。徐。噓。其。氣。氣。急。促。如。荷。重。物。卽。行。道。中。時。或。按。芙。洛。琪。之。肩。而。少。息。芙。洛。琪。竭。其。小。腦。之。智。以。鼓。舞。其。母。第。其。鼓。舞。安。慰。之。言。皆。昔。日。其。母。用。以。舞。鼓。己。者。行。行。復。行。行。其。母。似。疲。弱。不。可。勝。芙。洛。琪。語。之。曰。娘。我。等。已。抵。沙。來。狄。區。更。前。數。武。即。可。至。家。矣。嗚。呼。芙。洛。琪。年。穉。無。知。殊。未。審。人。生。世。上。如。行。長。途。善。者。則。行。抵。天。國。而。其。母。之。程。途。蓋。已。垂。畢。距。天。國。殆。不。遠。矣。爾。時。雨。驟。

風。狂。橫。絕。街。角。作。聲。悲。慘。若。天。公。故。爲。此。以。示。警。世。人。此。小。可。憐。蟲。則。高。聲。禱。
曰。乞。上。帝。助。吾。母。歸。家。嗟。夫。吾。願。阿。父。行。毋。急。急。我。願。彼。以。傀。儡。箱。授。我。而。彼。
則。助。阿。母。行。顧。此。時。阿。父。何。在。我。乃。不。見。芙。洛。琪。身。長。才。三。尺。抱。弱。弟。而。行。已。
不。勝。其。任。然。心。中。則。尤。欲。得。傀。儡。箱。挾。之。以。行。而。使。其。父。得。赤。手。扶。掖。其。母。載。
行。載。止。良。久。乃。抵。家。門。芙。洛。琪。啓。門。急。奔。至。己。家。見。父。已。先。至。告。之。曰。父。急。下。
掖。阿。母。登。樓。阿。母。方。在。廊。下。暈。欲。仆。不。能。登。梯。也。其。父。立。如。芙。洛。琪。請。亟。至。樓。
下。掖。其。妻。歸。己。室。徐。徐。安。之。於。柔。軟。之。草。褥。上。沉。思。少。頃。復。爲。其。妻。卸。濕。衣。冠。
履。以。氈。裹。之。芙。洛。琪。之。母。實。爲。其。父。之。賢。內。助。賢。淑。溫。婉。貧。家。之。妻。能。如。此。者。
良。不。可。多。得。自。念。脫。一。日。失。之。則。後。此。之。生。涯。將。不。堪。想。像。芙。洛。琪。之。母。氏。體。
質。素。弱。願。未。嘗。有。如。今。日。之。甚。者。向。日。每。自。外。歸。則。治。膳。以。餉。其。夫。及。子。其。夫。
有。所。需。必。預。爲。之。備。己。則。安。慰。其。二。子。使。忘。日。間。之。風。雪。困。頓。以。一。弱。婦。人。之。

力處理。一家左右兼顧無不及之虞。而今夕則事勢大變。僵臥禱上合兩目。若眠非眠。若醒非醒。不聞不問家中之事似一無所覺。其夫則爇火於爐烹茗作晚膳。又囑芙洛琪爲蓓奈卸衣而置之於榻。蓓奈之榻至奇特。卽傀儡箱之頂也。箱頂鋪一小褥。列一枕。頃刻成爲蓓奈之臥具。蓓奈臥其上。握小拳。置吻間。啜之酣然入睡。雖小王子之臥於金搖籃中。無是適也。芙洛琪心中常有一疑。雲則竊計來日。蓓奈體碩足長時。將仍臥是中乎。果爾。則其兩足將垂於箱外。抑阿母將爲之購一新榻乎。每見蓓奈臥箱上時。輒作是想。芙洛琪常爲蓓奈置食物於小鐵碗中。惟未嘗喂之。亦從未置蓓奈於榻。蓋此等事向日均母氏所爲。今夜芙洛琪乃一一。代母爲之。頗覺輕而易舉。尙無大難。第一事爲哺以食物。已乃卸其衣。爲之更睡衣。抱之置於榻。鳴之使睡。凡此皆平日察伺阿母之心。得諸事旣畢。自問能力亦非薄弱。乃坐一小木欞上。緊蹙其眉。又於禱緣。

之下塞以衣服。如是則四周高出可以無虞。藉奈之中夜墜榻下。事竟徐步至父前。曰。父乎。我已置藉奈於榻當更爲何事。父低聲曰。爾亦可以歸寢。持爾舌莫多言。如是則爾爲好稈子矣。芙洛琪遂無言而退。至室隅其所處之地上亦鋪一褥。坐褥上自解身上之濕衣。芙洛琪冒風雨。鎮日行長途。腹中雷鳴深。願得一晚餐果腹。顧亦不言。見母臥病榻中。父則愁慘枯坐。更何敢求食。當如父言。安靜就寢耳。臥褥上良久目不能闔。腹中益雷鳴不已。見室中景象至怪異。室小而帶愁慘色。壁際有水痕。則陰霉之氣中之也。燭高光弱。碎窗不能禁風。燭光乃搖搖不定。傀儡之箱在室之一隅。與芙洛琪臥處正相對。芙洛琪覺此。箱巍然而立。若宮殿然。有威重不可侵之狀。而小藉奈何爲高臥其上。又見其母臥褥上瘦骨嶒嶙。父則愀然坐於其側。方試飲以熱茗。見母略啜杯中茗久之。芙洛琪覺目倦。乃睡醒時。天已將曉。其父仍坐於病母之側。聞其母之聲。曰。

哈雷吾愛乎我自審當不復能與傀儡戲同出矣聽至此又似聞有嗚咽泣聲然確否猶未敢決已又聞父言曰琪尼若爲我之賢妻爾之處我至和婉而多情素日我以不善之言加爾我心實憂之上帝當能鑒吾誠款芙洛琪至此果聞其父泣亦不覺淚涔涔墮其母又曰哈雷毋悲爾宜將護兩兒使芙洛琪入夜學校若倍奈者語至此母氏又喘停續語曰待其長時告彼以我所往芙洛琪聞至此言急擲其覆體之衣疾起跣足趨至母側哭呼曰娘將往何許言已植立張巨目注於其母之面久不得答轉而懇諸父曰父乎盍告我以阿母何往言次強牽其父掩面之手問曰其地遠耶旅費昂耶其地在何許父哽咽曰其地曰安樂土至其地之人皆安樂無憂者也芙洛琪呼曰果爾則我亦當去噫娘何往我亦何往倍奈亦當與同行若其地果安樂於此者則吾等奚爲不趨之語次顧視其父若母意若謂吾此言乃極智之論人莫能答母溫然

曰。芙洛琪誠如爾言。凡人必有一日至其地。異日爾輩均至彼安樂土也。言平此微嘆其靈魂乃不可復留。父哀呼曰。琪尼。琪尼不能更答。大悲而哭。曰。天乎。渠已去矣。芙洛琪亦不知悲柔聲問父曰。此際娘已往安樂土耶。曰。然。此後彼當不更有不快如足痛腰疲等事。芙洛琪曰。佳哉阿母。從此可以安然無憂矣。然則我歸眠也。言已乃歸小榻安臥。歷時甚久。聞其父泣於死母之側。小蓓奈亦面壁而啼。獨芙洛琪則心中至安適。蓋此後其母不復有悲苦事也。

第二章

自此以往悲苦之光陰乃相逼而來。均爲芙洛琪所未經者。爾時芙洛琪所視爲至慈藹可親之人。其靈魂已上觀天國而體魄則下埋泉壤。葬時家人隨行至窀穸。鄰人亦多與偕者。大凡婦人每遇難事。輒能挺身而去。故此際之送殯者。尤以婦人居多。數鄰居之婦人。聞樓上之傀儡戲者。失其妻皆各奮力來助。

且於彼鰥夫孤子則竭誠慰藉居樓下之多兒婦人於出殯之晨亦振其弛懶之足疾步登樓以黑紗束於芙洛琪父子之冠抱蒞奈於懷同詣墓地歸後又爲彼等爇火爲彼等作膳此外相助芙洛琪家人之事多至不勝僂指次日芙洛琪之父起身最早挈傀儡戲之箱出一如平日蓋人欲求一日之食者不以喪其妻故遂息作一日也此可憐之阿父乃彳亍行經無數之通衢狹巷而至倫敦之西部擊鼓高唱強作歡笑絕不少露悲涼之色恐兒童輩見其愁鬱遂不欲觀也且呼且仰視高樓之窗是日芙洛琪隨乃父同行執行其母平日之職務有童子欲近彼綠色之秘幕者芙洛琪驅之去防內幕一洩則此滿場之傀儡劇爲無價值矣幸此好奇之童子尙服劇場規則否則芙洛琪力弱年稚將不能勝彼顧芙洛琪每遇有強頑兒時輒昂首挺胸氣概凜然作大人狀以懾之小蓓奈則留之家內蓋彼等之女屋主人曰密昔司勒本者曾告芙洛琪

之父謂渠若留小蓓奈於屋中使與其兒女同嬉戲日償彼以飲食之貲者則彼亦不加拒絕似此良善有鄰誼之婦人良非可多得惜其人沉湎於酒鄰家每私議之曰彼恆虐遇己出之兒女竟能將護人家孤離耶芙洛琪之父以日間又須與長子偕出覓食正苦無人爲之看護蓓奈今聞此居停主婦允承其乏喜不自勝卽以蓓奈託之芙洛琪日夕念母思見之而與之一吻顧弗可得則大痛而哭至於心肺酸疼芙洛琪知阿母已在安樂之國亦不欲其歸惟願己身能至彼處長與阿母相聚縱不能永聚一見亦足慰孺慕芙洛琪雖作如是想第從未一出諸吻蓋阿父每聞芙洛琪一語及其妻必悲慟不自勝甚至掩面啜泣芙洛琪見父哭則益增悲悵人生旣喪其母又目覩乃父痛泣寧非至悲涼之事耶芙洛琪自母死後遇其弱弟日益親善日間隨阿父外出每得美食如柑餅之屬輒留其半待晚間歸來以餉蓓奈每思脫有人傷吾弟或以

不善遇之者則心中大不快當盡吾力以護之或哀憇其人勿爾人之見芙洛琪愛憐其弟也多敬之重之芙洛琪自喪母後覺其父大易恆狀每當星期之晨天曙卽起挈二子至近隣禮拜堂之自由座芙洛琪意謂此禮拜堂者實世界至美之地且琴聲歌聲尤足使芙洛琪神往於安樂之國而念及亡母又因而憶及亡母生時所語之天使金瑟及天堂之讚美歌芙洛琪之父晚間輒取其妻舊日之聖經爲二子講解經中故事教以耶穌所言之善語其中事蹟至多如耶穌之於小鳥草木皆備極慈愛總之耶穌博愛之心無所不至芙洛琪聞之心大慰萬種伊鬱消滅都盡無論何事其功力決無如斯其偉也日間隨阿父行長途至倦疲時其父輒止立於公共飲水管前取公共之飲盃作長鯨之吸且以飲芙洛琪水清淡而甘涼沁人心脾大足蘇行客之因而解其奇渴一日爲炎夏之下午天垂暮矣而煩熱正於此時施其餘威芙洛琪及其父營

業而歸。旣憊且渴。阿父止立於一自來水管次。在平日。阿父作是狀者。將謂必入酒肆。少沽而振作精神。否則無力負傀儡之箱歸矣。此時一酒肆適當其前。赤獅之酒帘高懸。帘作赤色。厥狀大類醉人之面圖。及字則以金色爲之光芒。照目。芙洛琪仰首視父面曰。阿父赤獅非近在咫尺耶。阿父何不且進一觴。以振精神耶。言時聲至和婉。狀亦甚恭。若深知其父性情。所喜父舉首視酒家喟然太息曰。兒乎。吾渴且憊。此水足以止吾渴而蘇吾憊。且是爲天下至佳之飲。品能清人之神志。彼酒者實天下至惡之物。味雖濃郁而渴者飲之。則益渴。困者飲之。則益困。能亂人神志而使人失自主之能。又能顛亂人行路之步武。惡物也。芙洛琪乎。吾此後永不更入酒家之門矣。言次取水杯接水而飲。芙洛琪訝然曰。不更入耶。阿父前此酷嗜之。今胡爲不入其門也。父曰。芙洛琪吾嘗立願。自改。尤望上帝以偉力助吾使吾踐此願也。芙洛琪聞立願自改四字。殊覺。